

## ხელშეკრულება

გამარტივებული შესყიდვის საშუალებით შესყიდვის განხორციელების  
შესახებ №109  
CPV 45310000

„29“ „ოქტომბერი“ 2015წ.

### ქ. თბილისი

#### 1. ხელშეკრულების მხარეები

1.1 ერთის მხრივ შერიგებისა და სამოქალაქო თანასწორობის საკითხებში საქართველოს სახელმწიფო მინისტრის აპარატი, წარმოდგენილი ადმინისტრაციული დეპარტამენტის უფროსის ნინო ნოზაძის სახით (შემდგომში - „შემსყიდველი“) და მეორე მხრივ, ფ/პ მერაბ ქარელი (პ.ნ. 01022003802) (შემდგომში - „მიმწოდებელი“), „სახელმწიფო შესყიდვების შესახებ“ საქართველოს კანონის მე-3 მუხლის „სს“ პუნქტის საფუძველზე (გამარტივებული შესყიდვის საშუალებით), დებენ წინამდებარე ხელშეკრულებას შემდეგზე:

#### 2. ხელშეკრულების საგანი

2.1. ხელშეკრულების საგანს წარმოადგენს შერიგებისა და სამოქალაქო თანასწორობის საკითხებში საქართველოს სახელმწიფო მინისტრის აპარატის საჭიროებისათვის მინისტრის აპარატის ფაქტობრივ მისამართზე (ქ.თბილისი, ლეონიძის ქუჩა №3/5) ელექტროგაყვანილობებისა და ელექტრომოწყობილობების (ნათურები, სატელეფონო ხაზები, გათბობის სისტემა) შეკეთებისა და სამონტაჟო სამუშაოების მომსახურების შესყიდვა.

#### 3. ხელშეკრულების ღირებულება

3.1. ხელშეკრულების სავარაუდო ღირებულება შეადგენს 125 (ას ოცდახუთი) ლარს. მათ შორის საშემოსავლო 25 (ოცდახუთი) ლარი.

3.2. ხელშეკრულების ღირებულებაში შედის საქართველოს კანონმდებლობით დადგენილი ყველა გადასახადი, რომლის გადახდას უზრუნველყოფს „მიმწოდებელი“.

#### 4. მომსახურების ოდენობა, სახეობა და მიწოდების პირობები

4.1. „მიმწოდებელი“ უზრუნველყოფს „შემსყიდველისათვის“ მომსახურების გაწევას ხელშეკრულების გაფორმებიდან 5 სამუშაო დღის განმავლობაში მისამართზე: ქ. თბილისი, ლეონიძის ქუჩა №3/5.

#### 5. შესყიდვის ობიექტის მიღება-ჩაბარების წესი

5.1 „მიმწოდებლის“ მიერ გაწეული მომსახურების მიღება ფორმდება მიღება-ჩაბარების აქტით.

#### 6. ანგარიშსწორების ფორმა და ვადები

6.1. „მიმწოდებელთან“ ანგარიშსწორება ხორციელდება უნაღლო ანგარიშსწორებით ეროვნულ ვალუტაში.

6.2. ანგარიშსწორების საფუძველია მხარეების უფლებამოსილი პირების მიერ გაფორმებული მიღება-ჩაბარების აქტი.

6.3. „მიმწოდებელთან“ ანგარიშსწორება ხორციელდება 6.2. პუნქტში განსაზღვრული პროცედურის დასრულების შემდეგ 5 (ხუთი) საბანკო დღის ვადაში.

6.4. მიღება-ჩაბარების აქტის გამოუწერლობის შემთხვევაში, არ მოხდება თანხის გადახდა.

#### 7. მხარეთა უფლებები

7.1. „მიმწოდებელს“ უფლება აქვს:

- 7.1.1. ხელშეკრულების ფარგლებში მოითხოვოს თანხის დროული გადახდა.
- 7.2. „შემსყიდველს“ უფლება აქვს:
  - 7.2.1. მოითხოვოს მომსახურების ხარისხიანად გაწევა ხელშეკრულებით გათვალისწინებულ ვადაში.
  - 7.2.2. აწარმოოს ხელშეკრულების პირობების შესრულების მონიტორინგი.

**8. მხარეთა ვალდებულებები**

- 8.1. „მიმწოდებელი“ ვალდებულია:
  - 8.1.1. დადგენილ ვადაში 4.1. პუნქტის შესაბამისად გაუწიოს „შემსყიდველს“ მომსახურება.
  - 8.1.2. დროულად განიხილოს „შემსყიდველის“ მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან.
  - 8.1.3. „სახელმწიფო შესყიდვების შესახებ“ საქართველოს კანონის 221 მუხლის მე-3 პუნქტის შესაბამისად, „შემსყიდველს“ მისი მოთხოვნის საფუძველზე წარუდგინოს შესყიდვასთან დაკავშირებული დოკუმენტი ან/და მიაწოდოს სათანადო ინფორმაცია.
- 8.2. „შემსყიდველი“ ვალდებულია:
  - 8.2.1. უზრუნველყოს „მიმწოდებლისათვის“ თანხის დროული გადახდა.
  - 8.2.2. დროულად განიხილოს „მიმწოდებლის“ მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან.

**9. ფორს-მაჟორი**

- 9.1. ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.
- 9.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაუღალახავ და მათგან დამოუკიდებელ გარემოებებს, რომლებიც არ არის დაკავშირებული შემსყიდველის და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეულ იქნეს ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით და სხვა.
- 9.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუზიაროს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ.

**10. ხელშეკრულების პირობების და ღირებულების გადასინჯვა**

- 10.1. სახელმწიფო შესყიდვის შესახებ დადებული ხელშეკრულების პირობების შეცვლა არ დაიშვება, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.
- 10.2. ხელშეკრულების პირობების ნებისმიერი ცვლილება უნდა გაფორმდეს „შეთანხმების“ სახით, რომელიც ჩაითვლება ხელშეკრულების განუყოფელ ნაწილად.

**11. სადავო საკითხების გადაწყვეტა**

- 11.1. „შემსყიდველმა“ და „მიმწოდებელმა“ ხელშეკრულების ან მასთან დაკავშირებული გარემოებების ირგვლივ წარმოშობილი ყველა უთანხმოება და დავა უნდა მოაგვარონ ურთიერთშეთანხმების გზით.
- 11.2. მხარეებმა, სადავო საკითხის შეთანხმების გზით მოგვარების შეუძლებლობის შემთხვევაში კანონმდებლობით დადგენილი წესით შეუძლია მიმართონ სასამართლოს.

## 12. ხელშეკრულების შესრულების შეფერხება

12.1. თუ ხელშეკრულების შესრულების პროცესში მხარე წააწყდება რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ 2 (ორი) დღის ვადაში უნდა აცნობოს მეორე მხარეს თავისი გადაწყვეტილება, აღნიშნულ გარემოებებთან დაკავშირებით.

12.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის (შეთანხმების) გზით.

## 13. მხარეთა მიერ ვალდებულებების შეუსრულებლობა

13.1. ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულების შემთხვევაში მხარეებს ეკისრებათ პირგასამტეხლო ხელშეკრულების ღირებულების 0,1%-ის ოდენობით ყოველ ვადაგადაცილებულ დღეზე.

13.2. საჯარიმო სანქციების გადახდა არ ათავისუფლებს მხარეებს ძირითადი ვალდებულებების შესრულებისაგან.

13.3. იმ შემთხვევაში, თუ ვადების გადაცდენისთვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 2%-ს, „შემსყიდველს“ უფლება აქვს შეწყვიტოს ხელშეკრულება.

## 14. ხელშეკრულების კონტროლი

14.1. ხელშეკრულების შესრულების კონტროლს განახორციელებს „შემსყიდველის“ მიერ ინსპექტირების ჩატარებისათვის დადგენილი თანამშრომელი (გ. თუმანიშვილი).

14.2. შემსყიდველს ან მის წარმომადგენლებს უფლება აქვთ განახორციელონ მიწოდებული მომსახურების ხარისხის კონტროლი.

14.3. მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა.

14.4. ამ მუხლის არც ერთი პუნქტი არ ათავისუფლებს მიმწოდებელს მოცემული ხელშეკრულებით გათვალისწინებული ვალდებულებებისაგან.

## 15. ხელშეკრულების ენა

15.1. ხელშეკრულება და მასთან დაკავშირებული ყველა მოლაპარაკებები და სხვა დოკუმენტაცია, რომლებიც გაიცვლება მხარეთა შორის, ფორმდება ქართულ ენაზე.

## 16. ხელშეკრულების შეწყვეტა

16.1. ხელშეკრულება შეიძლება შეწყვეტილ იქნეს:

ა) მხარეთა შეთანხმებით.

ბ) საქართველოს მოქმედი კანონმდებლობით და ამ ხელშეკრულებით გათვალისწინებულ სხვა შემთხვევებში.

## 17. ხელშეკრულების მოქმედების ვადა

17.1. წინამდებარე ხელშეკრულება ძალაშია მხარეთა მიერ ხელმოწერის დღიდან და მოქმედებს 2015 წლის 29 დეკემბრის ჩათვლით.

## 18. განსაკუთრებული პირობები

18.1. ხელშეკრულება შედგენილია 4 გვერდზე, 3 ეგზემპლარად და თითოეულ მათგანს თანაბარი იურიდიული ძალა აქვს.

18.2. ხელშეკრულების ერთი ეგზემპლარი ინახება „მიმწოდებელთან“, ორი ეგზემპლარი – „შემსყიდველთან“.

### მხარეთა რეკვიზიტები

#### „შემსყიდველი“

შერიგებისა და სამოქალაქო  
თანასწორობის საკითხებში  
საქართველოს სახელმწიფო  
მინისტრის აპარატი

მის: ქ.თბილისი, ლეონიძის ქ. 3/5  
ს/კ 204548230

ადმინისტრაციული დეპარტამენტის  
უფროსი

ნინო ნოზაძე



#### „მიმწოდებელი“

მერაბ ქარელი  
პ.ნ. 01022003802  
მის: სოფელი დიღომი, ფიროსმანის  
ჩიხი

ბანკი: სს ბანკი „რესპუბლიკა“  
ბ/კ – REPLGE22  
ა/ა GE73BR0000010100998172

მერაბ ქარელი